



Broj:  
Datum:

## **Nacrt**

Na osnovu člana 11. člana 14. stav 30 Statuta Općine Tešanj (Službeni glasnik Općine Tešanj broj: 01-01-1-3836-3/07. od 27.12.2007. godine), Općinsko vijeće na svojoj \_\_\_sjednici od \_\_\_\_\_, donosi

### **ODLUKU**

o realizaciji Programa obilježavanja tekovina odbrane 1992-95. godine

#### **Član 1**

Ovom odlukom se usvaja Program obilježavanja tekovina odbrane 1992-95. godine i utvrđuju mjere za njegovu realizaciju.

#### **Član 2**

Općinski načelnik će imenovati odgovorna lica za realizaciju svakog događaja i mjera s ciljem izrade projekta realizacije svih detalja: aktivnosti, sudionika i potrebnih resursa.

#### **Član 3**

Općinski načelnik će, na temelju prijedloga projekata iz člana 2. ove odluke, donijeti odluku o realizaciji svakog pojedinačnog događaja i mjere, a najkasnije u periodu od 6 (šest) mjeseci od dana donošenja ove odluke.

#### **Član 4**

Općinski načelnik će obavezati organe mjesnih zajednica da na temelju Programa obilježavanja tekovina odbrane 1992-95. godine donesu odgovarajući Program obilježavanja tekovina odbrane 1992-95. godine za svaku mjesnu zajednicu.

#### **Član 5**

Stepen implementacije svih događaja i mjera predviđenih Programom obilježavanja tekovina odbrane 1992-95. godine ovisiće od budžetske podrške tokom svake tekuće godine kao i podrške iz drugih izvora.

#### **Član 6**

Općinsko vijeće će razmatrati realizaciju Programa obilježavanja tekovina odbrane 1992-95. godine jednom godišnje na temelju informacije koju će pripremiti Općinski načelnik.

#### **Član 7**

Ova odluka stupa na snagu objavljivanjem u Službenom glasniku Općine Tešanj.

## OBRAZLOŽENJE

### PRAVNI OSNOV

Pravni osnov za donošenje Programa obilježavanja tekovina odbrane 1992-95. godine sadržan je u sljedećem propisu:

· člana 11. i člana 14. stav 30 Statuta Općine Tešanj (Službeni glasnik Općine Tešanj broj: 01-01-1-3836-3/07. od 27.12.2007. godine).

### RAZLOZI ZA DONOŠENJE

Sa Dejtonskim sporazumom 1995. godine utihnulo je oružje, nametnut je mir. Ali, uz sve ostale teške nepravdnosti tog međunarodnog ugovora - ostavljeno je otvorenim i pitanje istine o uzrocima i karakteru rata kao najopasnija stvar. Ostalo je žrtvi da dokazuje očiglednu istinu da je žrtva, a agresoru na našu zemlju otvorena je mogućnost da negira ovu povijesnu činjenicu. Nama je ostalo da dokazujemo da je rat imao agresivni karakter i da su patriote, među kojima su ogromnu većinu činili Bošnjaci, uspjeli odbraniti svoj biološki opstanak i međunarodni subjektivitet Bosne i Hercegovine.

Odmah nakon rata otpočela je bitka za istinu. Na sve načine vodi se kampanja za drugačije tumačenje uzroka rata i za izjednačavanje zločinca i žrtve. Apsolutno sva sredstva mobilizirana su i upregnuta u poništavanje istine. Negira se da je Bosna i Hercegovina ikada u historiji uopće bila država, negiraju se Bošnjaci kao narod, odbacuju se i obesmišljavaju presude za ratne zločine donesene od domaćih sudova i od Haškog tribunala, pa čak i ona o genocidu počinjenom u Srebrenici.

U proteklom periodu su obilježavani općinski praznici, posebno 04. april, izgrađena spomen-obilježja u gotovo svim mjesnim sredinama i centralno spomen-obilježje, obilježavani različiti događaji iz perioda 1992-95. godine od strane lokalne vlasti, NVO i organizacija civilnog društva.

Ipak, generacije koje nisu zapamtile period 1992-95. godine sada postaju punoljetne. Ove generacije znaju malo, ili ne znaju gotovo ništa o tom periodu, o ključnim događajima koji su bili presudni za opstanak stanovnika općine Tešanj.

Novi Program obilježavanja tekovina odbrane 1992-95. godine ima za cilj da dodatno uredi i uvede nove sadržaje, za koje je iskazan interes a cijeneći njihov značaj i potrebu da se ne zaboravi. Ovim pristupom bi se kroz odluku Općinskog vijeća cijeli Program obilježavanja podigao na najviši lokalni nivo. Ovo bi omogućilo i konkretni uključenje boračkih udruženja ali i svih građana kroz javnu raspravu i implementaciju nakon usvajanja.

**OBRAĐIVAČ**  
Radni tim

**PREDLAGAČ**  
**OPĆINSKI NAČELNIK**  
Mr.sci. Suad Huskić, profesor

Broj:  
Datum: